

CONVENIO INTERADMINISTRATIVO DE COOPERACIÓN ENTRE A DEPUTACIÓN DE LUGO E O CONCELLO DE LUGO PARA A EXECUCIÓN DOS FINS COMÚNS CONSISTENTES EN COOPERAR NO FINANCIAMENTO DOS GASTOS DERIVADOS DA CELEBRACIÓN DE CONCERTOS NAS FESTAS DO SAN FROILÁN 2023

[APROBADO POR ACORDO DA XUNTA DE GOBERNO DE DATA 12 DE MAIO DE 2023]

REUNIDOS

Dunha parte, don José Tomé Roca, presidente da Excm. Deputación Provincial de Lugo, con NIF P-27000001 e sede social en Lugo, rúa San Marcos, núm. 8, actuando en nome e representación da citada entidade, segundo dispón o artigo 34 b) da Lei 7/85, reguladora das bases de réxime local e, no seu nome, **Efrén Castro Caloto**, deputado delegada de Deportes, Artesanía e Deseño e Memoria Histórica, en virtude de Resolución de data ___ de abril de 2023.

E doutra, dona **Tareixa Antía Ferreiro Tallón** con DNI: 32773589S, Tenenta Alcaldesa delegada da Área de Cultura, Turismo e Promoción da Lingua do **Concello de Lugo**, con NIF: P-2702800J e sede en Praza Maior s/n, CP 27001 Lugo, na provincia de Lugo, que actúa en nome e representación desta entidade, de acordo co disposto no art. 21.3 da Lei 7/1985, de 2 de abril, reguladora das bases do réxime local.

Actúa don **José Antonio Mourelle Cillero, Secretario Xeral da Deputación Provincial de Lugo**, no exercicio das funcións que lle son propias de acordo coa normativa de aplicación.


Ambas as partes recoñécense mutuamente capacidade xurídica e representación necesaria para obrigarse nos termos do presente convenio e a tal efecto,

EXPOÑEN:

PRIMEIRO.- O artigo 25 da Lei 7/1985, de 02 de abril (en adiante LBRL), na redacción dada pola Lei 27/2013, de 27 de decembro, de Racionalización e Sustentabilidade da Administración Local (LRSAL) establece que o municipio exercerá, en todo caso, como competencias propias, nos termos da lexislación do Estado e das Comunidades Autónomas, entre outras, a promoción da cultura e equipamentos culturais (art.25 letra m) da LBRL).

Páxina 1 de 12

	IV7O42RS3NJORXJ64YIDEB2SMA	Fecha y Hora	18/05/2023 09:07:35
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	TAREIXA ANTÍA FERREIRO TALLÓN (Vicepresidenta)		
Firmado por	EFRÉN CASTRO CALOTO		
Url de verificación	https://etramite.deputacionlugo.org/verifirma-lugo/code/IV7O42RS3NJORXJ64YIDEB2SMA	Página	1/12



Esta determinación competencial das Entidades locais, fixada na lexislación básica estatal, complementábase coa lexislación sobre réxime local autonómica e coa normativa sectorial estatal e autonómica.

SEGUNDO.- As Administracións Públicas actúan de acordo a uns principios establecidos, entre outros, no artigo 3 da Lei 40/2015, do 1 de outubro, do Réxime Xurídico do Sector Público; destacando entre eles, no caso que nos ocupa, o de cooperación, previsto na letra d) do apartado 1 do dito artigo.

A teor do disposto naquel, o principio de cooperación materialízase cando dúas o máis Administracións, de maneira voluntaria e no exercicio das súas competencias, asumen compromisos específicos de cara a unha acción común.

Pois ben, para dar cumprimento ao principio de cooperación, as Administracións interesadas estimarán as técnicas que consideren máis axeitadas, como poden ser a prestación de medios materiais, económicos ou persoais, que se materializará coa formalización de relacións de cooperación que requiren da aceptación expresa das partes, formulada, entre outros instrumentos, a través de convenios, nos que estarán previstas as condicións e compromisos que asumen as partes que os subscriben (art. 143 e 144 da LRXSP).


Do mesmo xeito se establece na regulación autonómica galega e no ámbito da normativa local, en concreto nos artigos 193 da Lei 5/1997, do 22 de xullo, de Administración Local de Galicia (LALGA) e 57 da LRBRL.

Polo tanto, a relación de cooperación interadministrativa suscitada pola representante do Concello de Lugo configúrase como un aparello técnico administrativo que se adecúa con plenitude aos principios xerais de actuación e funcionamento do sector público na súa actuación e relacións, tal e como quedaron expostos.

TERCEIRO.- A Deputación Provincial de Lugo, ten como fins propios e específicos os enumerados no art. 31.2 da LRBRL, indicando xenericamente o de garantir os principios de solidariedade e equilibrio intermunicipais, no marco da política económica e social, particularizando algún deses fins específicos. O artigo 118.letra d) da Lei 5/1997, de 22 de xullo, de Administración Local de Galicia (LALGA) establece que compete as Deputacións Provinciais rexer e administrar os intereses peculiares da provincia, creando, conservando e mellorando os servizos cuxo obxecto sexa o fomento dos mesmos, en especial, de calquera actividade cuxa finalidade sexa o fomento en materia de cultura.

O art. 36.1 LRBRL, pola súa parte, enumera as competencias propias do ente provincial, estipulando os apartados b) e d) as seguintes:

	IV7O42RS3NJORXJ64YIDEB2SMA	Fecha y Hora	18/05/2023 09:07:35
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	TAREIXA ANTÍA FERREIRO TALLÓN (Vicepresidenta)		
Firmado por	EFRÉN CASTRO CALOTO		
Url de verificación	https://etramite.deputacionlugo.org/verifirma-lugo/code/IV7O42RS3NJORXJ64YIDEB2SMA	Página	2/12



- A asistencia e a cooperación xurídica, económica e técnica ós Concellos, especialmente os de menor capacidade económica e de xestión. En todo caso nos municipios de 1.000 habitantes debe garantir a prestación dos servizos de secretaría e intervención (art. 36.1 b)

- A cooperación no fomento do desenvolvemento económico e social e na planificación no territorio provincial, de acordo coas competencias das demais Administracións Públicas neste ámbito (art. 36.1 d).

A LRALG, regula nos artigos 109 e seguintes, as competencias propias da Deputación Provincial, salientando o parágrafo b), *“a prestación de asistencia e a cooperación xurídica, económica e técnica cos Concellos, especialmente ós que teñan menor capacidade económica e de xestión”*

En aplicación do artigo 36, letra d) da LRBRL *“a Deputación da soporte aos concellos para a tramitación de procedementos administrativos e realización de actividades materiais e de xestión asumíndoas cando aqueles se llas encomenden”*.

Os artigos 114 e 115 da LRALG regulan respectivamente, a asistencia económico – financeira e a asistencia técnica aos concellos, aplicables aos fins deste convenio.

O artigo 3.2 a) da Lei 5/2016 de 4 de maio de Patrimonio Cultural de Galicia, en relación coa colaboración administrativa, establece que *“As entidades que integran a Administración local, en relación cos bens do patrimonio cultural de Galicia que se localicen no seu ámbito territorial, teñen as obrigas de: Protexer, difundir e fomentar o seu valor cultural”*.


Enténdese que a cooperación administrativa con achegas recíprocas, é o aparello máis acaído e sustentable, organizativa e financeiramente, para o desenvolvemento conxunto de tarefas e para a obtención satisfactoria dun obxectivo común, neste caso a execución dos fins comúns de cooperar no financiamento dos gastos derivados da celebración de concertos nas Festas do San Froilán 2023, que beneficia ao Concello de Lugo, xunto co territorio provincial.

O propio artigo 57.3 da LBRRL da prevalencia á subscripción de convenios, como medios de cooperación, respecto doutras formas cooperativas como a constitución de consorcios; baseado na idea de evitar a creación de estruturas organizativas, cando non sexan necesarias e previa acreditación e que os fins perseguidos non se acadan vía convenio e que a figura consorcial é máis eficiente na asignación de recursos económicos.

CUARTO. A propia Xunta de Galicia ao abeiro do establecido na Lei 14/2013, do 26 de decembro, de racionalización do sector público autonómico regula diversos mecanismos de colaboración dentro do sector público e puxo en circulación a chamada guía de colaboración público - público da Comunidade Autónoma de Galicia, que serve de acervo xurídico - administrativo a tomar como referencia, que ten fundamento no dereito comunitario (artigo 12.4 da Directiva 2014/24 UE do Parlamento Europeo e do Consello). Determinacións que se incorporan ao artigo 31 da Lei 9/2017, do 8 de novembro, de Contratos do Sector Público ao referirse a potestade de auto organización e aos sistemas de cooperación pública, neste caso horizontal, vía convenio e sen que os resultados desa cooperación poda cualificarse de contractual, cumprindo as condicións

Páxina 3 de 12

	IV7O42RS3NJORXJ64YIDEB2SMA	Fecha y Hora	18/05/2023 09:07:35
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	TAREIXA ANTÍA FERREIRO TALLÓN (Vicepresidenta)		
Firmado por	EFRÉN CASTRO CALOTO		
Url de verificación	https://etramite.deputacionlugo.org/verifirma-lugo/code/IV7O42RS3NJORXJ64YIDEB2SMA	Página	3/12



enmarcadas no artigo 6.1 da mesma Lei de Contratos do Sector Público (lograr os obxectivos compartidos, guiándose por consideracións de interese público).

QUINTO.- O artigo 47 da Lei 40/2015, de 1 de outubro, do Réxime Xurídico do Sector Público(en adiante LRXSP), sinala a definición de convenios, establecendo que *“son convenios os acordos con efectos xurídicos adoptados polas Administracións Públicas, os organismos públicos e entidades de dereito público vinculados ou dependentes ou as Universidades públicas ente si ou con suxeitos de dereito privado para un fin común.”*

Os convenios non poderán ter por obxecto prestacións propias dos contratos. En tal caso, a súa natureza e réxime xurídico axustarase ao previsto na lexislación de contratos do sector público. (...)

Este mesmo artigo 47 sinala os tipos de convenios, ao establecer *“Os convenios que subscriban as Administracións Públicas, os organismos públicos e as entidades de dereito público vinculados ou dependentes e as universidades públicas, deberán corresponder a algún dos seguintes tipos:*


Convenios inter-administrativos, asinados entre dúas ou mais Administracións públicas, ou ben entre dous ou mais organismos públicos ou entidades de dereito público vinculadas ou dependentes de distintas administracións públicas... (...).”

SEXTO.- En canto aos requisitos de validez e eficacia dos convenios e ao seu contido, establécense no artigo 48 e o contido dos convenios no artigo 49 da Lei 40/2015, do 1 de outubro. As normas deste capítulo VI da LRXSP, sobre convenios, non se aplica ás encomendas de xestión, nin tampouco aos acordos de terminación convencional dos procedementos administrativos.

SÉTIMO.- A cooperación coa administración municipal, como aparello técnico-administrativo manexado na proposta e o convenio analizado, ten cabida nos principios xerais de actuación e funcionamento do sector público, nas súas relacións, establecendo o art. 3.1.k da citada LRXSP que *“as administracións públicas, deberán respectar na súa actuación e relacións os principios de cooperación, colaboración e coordinación entre as Administracións Públicas”*; ademais resulta coherente cos principios que rexen as relacións interadministrativas tal e como se prevé no artigo 140 da mesma Lei, citando no seu apartado 1.a) *“lealdade institucional”* e concretando no artigo 141, na súa letra d) que consecuentemente aquelas deberán *“Prestar, no ámbito propio, a asistencia activas que as outras administracións puideran recadar para o eficaz exercicio das súas competencias”*.

OITAVO.- O Concello de Lugo, de acordo co establecido no artigo 25 da Lei 7/1985, o 2 de abril, reguladora das bases de réxime local, para a xestión dos seus intereses no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal.

	IV7O42RS3NJORXJ64YIDEB2SMA	Fecha y Hora	18/05/2023 09:07:35
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	TAREIXA ANTÍA FERREIRO TALLÓN (Vicepresidenta)		
Firmado por	EFRÉN CASTRO CALOTO		
Url de verificación	https://etramite.deputacionlugo.org/verifirma-lugo/code/IV7O42RS3NJORXJ64YIDEB2SMA	Página	4/12



NOVENO.- A Deputación de Lugo e o Concello de Lugo exercen competencias, consonte ao establecido na normativa de réxime local e na normativa sectorial que lle resulta de aplicación e teñen a posibilidade legal de subscribir este convenio para o cumprimento dos fins previstos na normativa vixente (artigo 30 do TRLRL, entre outros).

A cooperación da Deputación Provincial cos concellos atribúese directamente polo ordenamento xurídico como unha competencia propia (cooperación competencial), aínda así a súa formalización require o consentimento da outra parte (o Concello) para evitar que por medio da técnica de cooperación se limite a autonomía e o libre exercicio das funcións municipais.

A subscrición deste convenio mellora a eficiencia na xestión pública, contribúe á utilización conxunta de medios e servizos públicos, e ademais, encádrase no deber de colaboración xenérico e asistencia e cooperación xurídica, económica e técnica aos concellos sinalada nos artigos 36 da LBRL, 141 da LRXSP e restantes disposicións de concordante e xeral aplicación.

En virtude do sinalado anteriormente, todos os representantes, recoñécense a capacidade xurídica suficiente e subscriben en nome das entidades ás que representan o presente Convenio interadministrativo de cooperación, guiados exclusivamente por consideracións de interese público, de conformidade coas seguintes:

CLÁUSULAS

PRIMEIRA.- Obxecto.

Este Convenio ten por obxecto establecer as bases da relación interadministrativa de cooperación entre a Deputación de Lugo e o Concello de Lugo en exercicio das súas competencias, para colaborar no financiamento dos gastos derivados da celebración de concertos nas Festas do San Froilán 2023, consistentes na organización de varios concertos tanto para público adulto, como infantil, xuvenil e familiar.

Para alcanzar este obxectivo compartido, ambas administracións comprométense a realizar as seguintes achegas económicas:


ANUALIDADE	ACHEGA DEPUTACIÓN	ACHEGA CONCELLO	TOTAL
2023	142.500,00 €	7.500,00 €	150.000,00 €

As achegas efectuaranse nos termos establecidos na cláusula cuarta.

Ambas administracións comprométense a realizar as tramitacións xurídico administrativas que resulten necesarias para acadar o fin común, prestándose mutuamente a cooperación requirida.

Páxina 5 de 12

	IV7O42RS3NJORXJ64YIDEB2SMA	Fecha y Hora	18/05/2023 09:07:35
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	TAREIXA ANTÍA FERREIRO TALLÓN (Vicepresidenta)		
Firmado por	EFRÉN CASTRO CALOTO		
Url de verificación	https://etramite.deputacionlugo.org/verifirma-lugo/code/IV7O42RS3NJORXJ64YIDEB2SMA	Página	5/12



SEGUNDA.- **Ámbito territorial.**

O ámbito de desenvolvemento da actividade que é obxecto do presente convenio se refire á provincia de Lugo, e concretamente ao termo municipal de Lugo.

TERCEIRA.- **Obrigas e compromisos das partes.**

3.1. Da Deputación Provincial de Lugo

En cumprimento do presente convenio interadministrativo de cooperación, a Deputación Provincial comprométese ao seguinte:

1. Efectuar a achega económica prevista na cláusula cuarta (142.500,00€)
2. Difundir a cooperación de ambas entidades no formato máis adecuado (cartel ou dixital, banners ou semellantes), facilitadas e /ou elaboradas polo Gabinete de Comunicación da Deputación.
3. En caso de producirse baixas na licitación ou na execución, reducir a cantidade estipulada para o financiamento comprometido polo Concello de Lugo, ou previa solicitude do Concello autorizar a aplicación dos remanentes producidos na licitación ou execución noutra actuación, que deberá ter a mesma finalidade e respecto da que deberá achegarse proxecto das actuacións pretendidas.

A Deputación de Lugo exímese do cumprimento das condicións técnicas e de seguridade dos equipamentos instalados para levar a cabo as actuacións coas que esta entidade colabora no marco dos gastos derivados da celebración de concertos nas Festas do San Froilán 2023, así como das demais responsabilidades derivadas da aplicación da Lei 10/2017, de 27 de decembro, de espectáculos públicos e actividades recreativas de Galicia.


3.2. Do Concello de Lugo:

En cumprimento do presente convenio de cooperación, o Concello de Lugo comprométese ao seguinte:

1. Achegar, para a execución do convenio o financiamento de 7.500,00€ e o importe que reste e sexa necesario para dar cumprimento ao fin común perseguido e á súa correcta execución.
2. Actuar como órgano de contratación e licitar a execución das actuacións con suxeición ao establecido na Lei 9/2017, do 8 de novembro, de Contratos do Sector Público.
3. Executar o proxecto/actuación na data límite do 31 de decembro de 2023.
4. Convidar á representación institucional da Deputación de Lugo aos actos oficiais, recepción e calquera outros relacionados coas actividades obxecto deste convenio.

Páxina 6 de 12

	IV7O42RS3NJORXJ64YIDEB2SMA	Fecha y Hora	18/05/2023 09:07:35
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	TAREIXA ANTÍA FERREIRO TALLÓN (Vicepresidenta)		
Firmado por	EFRÉN CASTRO CALOTO		
Url de verificación	https://etramite.deputacionlugo.org/verifirma-lugo/code/IV7O42RS3NJORXJ64YIDEB2SMA	Página	6/12



5. Difundir a colaboración prestada polo ente provincial, a través da inclusión do logotipo do mesmo no formato máis axeitado, facilitado polo Gabinete de Comunicación desta Deputación.
6. Prestar colaboración en todas aquelas actuacións para as cales fora requirido o Concello, co obxecto último de lograr o fin do presente convenio.
7. Facilitar a información requirida para desenvolver a publicidade institucional referente a este convenio de cooperación, o seu obxecto e fin.
8. Responsabilizarse da organización, contratación, execución, desenvolvemento da actividade e do cumprimento da normativa de seguridade, especialmente na aplicación da Lei 10/2017, 27 de decembro, de espectáculos públicos e actividades recreativas de Galicia, de conformidade coas disposicións emitidas polas autoridades sanitarias. Realizará o conxunto de actuacións necesarias para a súa efectiva materialización e realización no ano 2023.
9. Aportar as autorizacións, licenzas e permisos necesarios para a execución da actividade.
10. Cesión dos espazos de titularidade municipal para a realización das actividades.
11. Asumir os gastos derivados dos dereitos de autoría que puideran derivar da celebración das actividades indicadas.
12. Autorizar cantas comprobacións se determinen pola Deputación de Lugo.

CUARTA.- Réxime económico.

ACHEGAS:


1. Achega da Deputación

A Deputación de Lugo efectuará unha achega de 142.500,00 € para afrontar os gastos que se deriven da execución deste convenio e o cumprimento dos seus fins de acordo coa actuación que figura na cláusula primeira, con cargo á aplicación orzamentaria 3340.46200, do Orzamento Xeral da Deputación de Lugo da anualidade 2023.

2. Achega do Concello

O Concello de Lugo aportará para a execución do convenio o financiamento de 7.500,00€ e o importe que reste e sexa necesario para dar cumprimento ao fin común perseguido e á súa correcta execución.

	IV7O42RS3NJORXJ64YIDEB2SMA	Fecha y Hora	18/05/2023 09:07:35
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	TAREIXA ANTÍA FERREIRO TALLÓN (Vicepresidenta)		
Firmado por	EFRÉN CASTRO CALOTO		
Url de verificación	https://etramite.deputacionlugo.org/verifirma-lugo/code/IV7O42RS3NJORXJ64YIDEB2SMA	Página	7/12



TITULARIDADE DO RESULTADO DA COOPERACIÓN:

A titularidade dos resultados será compartida coa poboación, posto que os efectos a nivel cultural, turístico e económico ou social son comúns e benefician ao municipio de Lugo, aos límites da comarca e, en xeral, a toda a provincia.


XUSTIFICACIÓN DA ACHEGA ECONÓMICA.

O Concello de Lugo, achegará, como data límite do 31 de marzo de 2024 á Deputación de Lugo unha conta xustificativa, que terá o seguinte contido:

- Memoria de actuacións das actividades realizadas.
- Memoria económica xustificativa do custo da actividade, que conterá:
 1. Relación clasificada de gastos da actividade obxecto deste convenio, con identificación do acredor e do documento, o seu importe, a data de emisión, a data de pago.
 2. Certificación expedida polo Interventor ou o Secretario do custo da actividade desenvolta, indicando os importes do financiamento, acreditando que a relación dos gastos da actividade atópase executado, as obrigas recoñecidas ou liquidadas polo órgano competente e pagadas.
 3. Certificación expedida Interventor ou o Secretario de que a actuación foi realizada na súa totalidade co cumprimento das condicións estipuladas neste convenio.
- Declaración do representante do Concello sobre as subvencións ou axudas obtidas doutras administracións públicas ou entidades públicas ou privadas para o mesmo obxecto contemplado neste convenio de cooperación, con indicación do seu importe e procedencia ou, no seu caso, declaración de non ter outras subvencións ou axudas obtidas doutras administracións públicas ou entidades públicas ou privadas para o mesmo obxecto contemplado neste convenio de cooperación
- Declaración responsable na que se faga constar que o Concello de Lugo non é debedor por resolución de procedencia de reintegro, é dicir, que non ten pendente de ingreso no Tesouro Público ningunha reclamación de débeda derivada dunha resolución de reintegro de axuda pública.
- Declaración responsable do representante do Concello na que se faga constar que se atopa ao corrente no cumprimento das súas obrigas tributarias e fronte á Seguridade Social.
- Declaración responsable emitida polo representante do Concello indicando que a entidade asumiu o custo do “Imposto sobre o valor engadido (IVE)”, por non ter

Páxina 8 de 12

	IV7O42RS3NJORXJ64YIDEB2SMA	Fecha y Hora	18/05/2023 09:07:35
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	TAREIXA ANTÍA FERREIRO TALLÓN (Vicepresidenta)		
Firmado por	EFRÉN CASTRO CALOTO		
Url de verificación	https://etramite.deputacionlugo.org/verifirma-lugo/code/IV7O42RS3NJORXJ64YIDEB2SMA	Página	8/12



posibilidade de compensalo ou recuperalo. Ou ben, indicando que o concello non asume o custo do IVE por ter a posibilidade de compensalo ou recuperalo.

- Declaración responsable, emitida polo representante do Concello, na que se faga constar que a actividade foi obxecto de cooperación coa Deputación Provincial de Lugo e que este extremo se inseriu na publicidade da actuación e nos soportes que se utilizaron na execución da actividade obxecto deste convenio.
- Documento emitido pola entidade bancaria, no que conste a conta na que se procederá, no seu caso, ao abono do gasto xustificado.
- Fotografías dos carteis/pegatinas ou medios dixitais usados na difusión da relación interadministrativa de cooperación.

Unha vez aprobada a conta xustificativa polo Organismo Provincial, este procederá ao aboamento da cantidade que resulte fiscalizada favorablemente.

QUINTA.- Duración do convenio interadministrativo.

A vixencia do presente convenio xurdirá efecto a partir da data da súa sinatura, aínda que con efectos económicos desde o 1 de xaneiro de 2023 e manterase ata o cumprimento dos compromisos e obrigas asumidos no mesmo.

A data límite da vixencia do convenio será coa aprobación da conta xustificativa e o seu pagamento que, salvo prórroga expresa antes da súa finalización, será o 31 de xaneiro de 2025 debendo estar aprobada a conta xustificativa na data límite do 31 de decembro de 2024, respectando en todo caso o límite temporal do artigo 49, letra h) da Lei 40/2015, do 1 de outubro, do Réxime Xurídico do Sector Público.

SEXTA.- Modificación.


A modificación deste convenio poderá realizarse por mutuo acordo das partes, acreditando a concorrencia de interese común, e co límite substantivo de non alterar as condicións esenciais do documento inicial, e sempre e cando dito convenio este vixente, respectando o límite temporal previsto no artigo 49.h da Lei 40/2015, do 1 de outubro, do Réxime Xurídico do Sector Público.

A modificación do convenio levarase a cabo mediante addenda ao mesmo.

SÉTIMA .- Extinción e efectos.

O convenio extinguirase polo cumprimento das actuacións que constitúen o obxecto ou por incorrer en causas de resolución.

	IV7O42RS3NJORXJ64YIDEB2SMA	Fecha y Hora	18/05/2023 09:07:35
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	TAREIXA ANTÍA FERREIRO TALLÓN (Vicepresidenta)		
Firmado por	EFRÉN CASTRO CALOTO		
Url de verificación	https://etramite.deputacionlugo.org/verifirma-lugo/code/IV7O42RS3NJORXJ64YIDEB2SMA	Página	9/12



Son causas de resolución as sinaladas expresamente no artigo 51 da amentada Lei 40/2015, de 1 de outubro, do RXSP e tamén pola entrada en vigor de disposicións legais ou regulamentarias que determinen a súa extinción.

O cumprimento e a resolución do convenio dará lugar á liquidación do mesmo, co obxecto de determinar as obrigas e compromisos de cada unha das partes, tendo en conta o disposto no artigo 52 da amentada Lei 40/2015 (LRXSP).

OITAVA.- Comisión de Seguimento.

Tendo en conta o establecido no artigo 49.f da Lei 40/2015, do RXSP, para o bo desenvolvemento das actividades obxecto deste convenio, seguimento, vixilancia e control establecerase unha Comisión Mixta, de composición paritaria, integrada por dous representantes de cada unha das entidades que resolverá os problemas de interpretación e cumprimento que poidan xurdir respecto do presente convenio. Ostentará a Presidencia da comisión de seguimento quen sexa do ente Provincial.

Os membros da Comisión poderán delegar a súa representación e voto noutra persoa da súa mesma organización. Poderán asistir á Comisión como invitados, con voz pero sen voto, aquelas persoas que en cada momento se considere necesario.


O seu funcionamento acomodarse ao disposto na Lei 40/2015 do 1 de outubro de 2015, do RXSP, tomando como referencia as normas establecidas para o funcionamento dos órganos colexiados.

Serán funcións desta Comisión de Seguimento as seguintes:

- a) Velar polo cumprimento deste convenio.
- b) Planificar, fomentar, supervisar e avaliar as accións que se vaian emprender ao abeiro do presente convenio.
- c) Adoptar ou propoñer as medidas necesarias para garantir o exercicio coordinado das competencias de cada unha das partes.
- d) Resolver os problemas de interpretación que poidan xurdir.
- e) E en xeral, as que o artigo 49.f da Lei 40/2015, do réxime xurídico do sector público, lle atribúe aos mecanismos de seguimento, vixilancia e control.

Así mesmo, o responsable do centro xestor do convenio será o encargado de acreditar o cumprimento dos requisitos nel establecidos para a realización dos pagamentos.

	IV7O42RS3NJORXJ64YIDEB2SMA	Fecha y Hora	18/05/2023 09:07:35
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	TAREIXA ANTÍA FERREIRO TALLÓN (Vicepresidenta)		
Firmado por	EFRÉN CASTRO CALOTO		
Url de verificación	https://etramite.deputacionlugo.org/verifirma-lugo/code/IV7O42RS3NJORXJ64YIDEB2SMA	Página	10/12



NOVENA.- Sistemas de comunicación, información e publicidade.

Nos soportes, calquera que sexa o formato empregado (tradicional ou dixital) que aludan ou informen da actividade ou actuación, o Concello de Lugo incorporará os “logotipos” institucionais da Deputación Provincial de Lugo, para o que é preciso solicitalos ao Gabinete de Presidencia do Ente Provincial, que se compromete a entregalas; e a Deputación, pola súa parte, incorporará os que lle facilite aquel Concello.

De acordo co establecido no artigo 7, apartados 3 e 4, da Ordenanza de Uso da Lingua Galega da Deputación de Lugo, publicada no BOP de Lugo número 212, de data 14 de setembro de 2016, o Concello de Lugo deberá cumprir o requisito de que sexan en galego, ao igual que a Deputación Provincial.

Ambas administracións autorízanse reciprocamente, coa sinatura do presente convenio, a comunicar e difundir polos medios ou canles que consideren axeitados, a actividade que é obxecto deste convenio, e a súa condición de entidades colaboradoras.

A Deputación e o Concello comprométense a difundir a actuación e a cooperación de ambas entidades no fin común perseguido.


DÉCIMA.- Carácter do convenio de cooperación.

O presente convenio ten natureza administrativa e non lle é de aplicación a Lei de contratos do sector público á vista do disposto no artigo 6 en relación co artigo 31 da Lei 9/2017, de 8 de novembro, de Contratos do Sector Público, pola que se traspón ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, que sinala que: *“Quedan excluídos do ámbito da presente Lei os convenios, cuxo contido non estea comprendido no dos contratos regulados nesta Lei ou en normas administrativas especiais celebrados entre sí pola Administración Xeral do Estado, as Entidades Xestoras e os Servizos Comúns da Seguridade Social, as Universidades Públicas, as Comunidades Autónomas e as Ciudades Autónomas de Ceuta e Melilla, as Entidades Locais, as entidades con personalidade pública dependentes delas e as entidades con personalidade xurídica privada, sempre que, neste último caso, teñan a condición de poder adxudicador. A súa exclusión queda condicionada ao cumprimento das seguintes condición (...).”* Neste caso, cúmprense as condicións fixadas ao efecto polo párrafo 1^a deste artigo sexto (letras a, b, c) xa que as entidades intervincentes non teñen vocación de mercado (...), o convenio establece unha cooperación entre as entidades coa finalidade de garantir que os servizos públicos que lles incumben se presten de xeito que se acaden os obxectivos que teñen en común e, que o desenvolvemento da cooperación se guía unicamente por consideracións relacionadas co interese público. Ademais, no artigo 31.1 desta Lei, relativo á potestade de autoorganización e sistemas de cooperación pública vertical e horizontal, establécese que:

“As entidades pertencentes ao sector público poderán cooperar entre si dalgunha das seguintes formas, sen que o resultado desa cooperación poida cualificarse de contractual:

Páxina 11 de 12

	IV7O42RS3NJORXJ64YIDEB2SMA	Fecha y Hora	18/05/2023 09:07:35
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	TAREIXA ANTÍA FERREIRO TALLÓN (Vicepresidenta)		
Firmado por	EFRÉN CASTRO CALOTO		
Url de verificación	https://etramite.deputacionlugo.org/verifirma-lugo/code/IV7O42RS3NJORXJ64YIDEB2SMA	Página	11/12



(...) b) Mediante sistemas de cooperación horizontal entre entidades pertencentes ao sector público, previa celebración dos correspondentes convenios, nas condicións e cos límites que se establecen no apartado 1 do artigo 6. (...)"

As partes comprométese a resolver de xeito amistoso, calquera desacordo que poida xurdir no desenvolvemento do presente convenio a través da Comisión de Seguimento constituída.

Nestes supostos de cooperación entre administracións públicas, con contraprestacións entre as mesmas non é de aplicación a lexislación xeral de subvencións, consonte ao establecido no artigo 2.4 do Real Decreto 887/2006, no 21 de xullo, polo que se aproba o regulamento da Lei 38/2003, do 17 de novembro, Xeral de Subvencións.

Este convenio ten natureza administrativa e rexerese pola Lei 7/1985, do 2 de abril, Reguladora das Bases de Réxime Local, así como pola Lei 40/2015, do 1 de outubro (artigos 47 e seguintes) e restantes disposicións de concordante e xeral aplicación, sendo competente para entender nos litixios que puidesen xurdir a xurisdición contencioso – administrativa.

E en proba de conformidade cos termos expostos, as partes comparecentes asinan o presente, que consta de 12 páxinas numeradas, en triplicado exemplar, para un só efecto en lugar e data *ut supra*, do que como secretario dou fe.

O PRESIDENTE,

A TENENTA DE ALCALDESA DELEGADA DA ÁREA DE CULTURA,
TURISMO E PROMOCIÓN DA LINGUA DO CONCELLO DE LUGO

P.D. Decreto de data 24/04/2023

DEPUTADO DE DEPORTES, ARTESANÍA E DESEÑO E MEMORIA
HISTÓRICA,

Asdo.: Efrén Castro Caloto

Asdo.: Tareixa Antía Ferreiro Tallón

O SECRETARIO XERAL

Asdo.: José Antonio Mourelle Cillero

Páxina 12 de 12

	IV7O42RS3NJORXJ64YIDEB2SMA	Fecha y Hora	18/05/2023 09:07:35
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	TAREIXA ANTÍA FERREIRO TALLÓN (Vicepresidenta)		
Firmado por	EFRÉN CASTRO CALOTO		
Url de verificación	https://etramite.deputacionlugo.org/verifirma-lugo/code/IV7O42RS3NJORXJ64YIDEB2SMA	Página	12/12

